

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ  
ՈՐՈՇՈՒՄ**

ՀՀ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅԱՆ «ՍԵՅՍՄԻԿ ՊԱՇՏՊԱՆՈՒԹՅԱՆ ԱԶԳԱՅԻՆ ԾԱՌԱՅՈՒԹՅՈՒՆ» ԳՈՐԾԱԿԱԼՈՒԹՅԱՆ ՀԱՐԱՎԱՅԻՆ ԵՎ ՀՅՈՒՄԻՍԱՅԻՆ ՏԱՐԱԾՔԱՅԻՆ ՍՏՈՐԱԲԱԺԱՆՈՒՄՆԵՐ ՍՏԵՂԾԵԼՈՒ, ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 15.05.2008 ԹՎԱԿԱՆԻ N 531-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Պետական կառավարչական հիմնարկների մասին» Հայաստանի Հանրապետության օրենքի 11-րդ հոդվածի I կետի բ) ենթակետով՝ Հայաստանի Հանրապետության կառավարությունը **որոշում է.**

1. Ստեղծել Հայաստանի Հանրապետության արտակարգ իրավիճակների նախարարության սեյսմիկ պաշտպանության ազգային ծառայություն գործակալության հյուսիսային և հարավային տարածքային ստորաբաժանումներ:
2. Հայաստանի Հանրապետության կառավարության 15.05.2008 թ. N 531-Ն որոշմամբ հաստատված հավելված 3-ում կատարել հետևյալ լրացումները.
  - 1) 15-րդ կետում «ստորաբաժանումներ» բառից առաջ լրացնել «և տարածքային» բառերը,
  - 2) 15-րդ կետում ավելացնել նոր պարբերություն. «Իր խնդիրների ու գործառնությունների իրականացման ապահովման նպատակով գործակալությունը համակարգում է սեյսմիկ ռիսկի նվազեցման պետական ծրագրերով նախատեսված Հայաստանի Հանրապետության արտակարգ իրավիճակների նախարարության «Սեյսմիկ պաշտպանության հյուսիսային ծառայություն», «Սեյսմիկ պաշտպանության հարավային ծառայություն», «Սեյսմիկ պաշտպանության արևմտյան ծառայություն», «Սեյսմիկ պաշտպանության արևելյան ծառայություն» պետական ոչ առևտրային կազմակերպությունների աշխատանքները:»:
3. Ուժը կորցրած ճանաչել Հայաստանի Հանրապետության կառավարության 15.05.2008թ. N 531-Ն որոշմամբ հաստատված հավելված 4-ը:
4. Հաստատել Հայաստանի Հանրապետության արտակարգ իրավիճակների նախարարության սեյսմիկ պաշտպանության ազգային ծառայություն գործակալության կառուցվածքը համաձայն հավելված 1-ի:
5. Հանձնարարել Հայաստանի Հանրապետության արտակարգ իրավիճակների նախարարությանը՝ մեկամսյա ժամկետում.
  - ա) Կատարել սույն որոշումից բխող համապատասխան փոփոխություններ Հայաստանի Հանրապետության արտակարգ իրավիճակների նախարարության «Սեյսմիկ պաշտպանության հյուսիսային ծառայություն», «Սեյսմիկ պաշտպանության հարավային ծառայություն», «Սեյսմիկ պաշտպանության արևմտյան ծառայություն», «Սեյսմիկ պաշտպանության արևելյան ծառայություն» պետական ոչ առևտրային կազմակերպությունների կանոնադրություններում:
  - բ) Հաստատել Հայաստանի Հանրապետության արտակարգ իրավիճակների նախարարության սեյսմիկ պաշտպանության ազգային ծառայություն գործակալության տարածքային ստորաբաժանումների կանոնադրությունները:
  - գ) Հայաստանի Հանրապետության վարչապետին ներկայացնել առաջարկություն Հայաստանի Հանրապետության արտակարգ իրավիճակների նախարարության

սեյսմիկ պաշտպանության ազգային ծառայություն գործակալության կառուցվածքային և տարածքային ստորաբաժանումների աշխատակիցների թվաքանակի և Հայաստանի Հանրապետության կառավարության 1998 թվականի նոյեմբերի 6-ի թիվ 620 որոշման մեջ փոփոխություն կատարելու վերաբերյալ:

6. Սույն որոշումն ուժի մեջ է մտնում պաշտոնական հրապարակմանը հաջորդող տասներորդ օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏ՝

Տ. ՍԱՐԳՍՅԱՆ

**ԿԱՌՈՒՑՎԱԾՔ**

ՀՀ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅԱՆ «ՍԵՅՍՄԻԿ  
ՊԱՇՏՊԱՆՈՒԹՅԱՆ ԱԶԳԱՅԻՆ ԾԱՌԱՅՈՒԹՅՈՒՆ» ԳՈՐԾԱԿԱԼՈՒԹՅԱՆ

**Կառուցվածքային ստորաբաժանումներ**

1. Քարտուղարություն
2. Սեյսմիկ մոնիտորինգի և ընթացիկ սեյսմիկ վտանգի գնահատման վարչություն
3. Սեյսմիկ ռիսկի նվազեցման վարչություն

**Տարածքային ստորաբաժանումներ**

1. Սեյսմիկ պաշտպանության ազգային ծառայություն գործակալության հյուսիսային մասնաճյուղ
2. Սեյսմիկ պաշտպանության ազգային ծառայություն գործակալության հարավային մասնաճյուղ

## ՏԵՂԵԿԱՆՔ

ՀՀ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅԱՆ «ՍԵՅՍՄԻԿ ՊԱՇՏՊԱՆՈՒԹՅԱՆ ԱԶԳԱՅԻՆ ԾԱՌԱՅՈՒԹՅՈՒՆ» ԳՈՐԾԱԿԱԼՈՒԹՅԱՆ ՀԱՐԱՎԱՅԻՆ ԵՎ ՀՅՈՒՄԻՍԱՅԻՆ ՏԱՐԱԾՔԱՅԻՆ ՄԱՐՄԻՆՆԵՐ ՍՏԵՂԾԵԼՈՒ, ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 15.05.2008 ԹՎԱԿԱՆԻ N 531-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ՊԵՏԱԿԱՆ ԲՅՈՒՋԵՌԻ ԾԱԽՍԵՐԻ ԿԱՄ ԵԿԱՄՈՒՏՆԵՐԻ ՓՈՓՈԽՄԱՆ ՎԵՐԱԲԵՐՅԱԼ

Որոշման ընդունումը բյուջեում փոփոխություններ կատարելու անհրաժեշտություն չի առաջացնում: Այս նախագիծը լրացուցիչ միջոցներ և ծախսեր չի պահանջում, այն ենթադրում է «ՍՊԱԾ» գործակալության և «ՍՊԱԾ» ՊՈԱԿ-ների հաստիքների և միջոցների օգտագործմամբ ստեղծել տարածքային մարմիններ:

## ՏԵՂԵԿԱՆՔ

ՀՀ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅԱՆ «ՍԵՅՍՄԻԿ ՊԱՇՏՊԱՆՈՒԹՅԱՆ ԱԶԳԱՅԻՆ ԾԱՌԱՅՈՒԹՅՈՒՆ» ԳՈՐԾԱԿԱԼՈՒԹՅԱՆ ՀԱՐԱՎԱՅԻՆ ԵՎ ՀՅՈՒՄԻՍԱՅԻՆ ՏԱՐԱԾՔԱՅԻՆ ՄԱՐՄԻՆՆԵՐ ՍՏԵՂԾԵԼՈՒ, ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 15.05.2008 ԹՎԱԿԱՆԻ N 531-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ԸՆԴՈՒՄՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐՈՒՄ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ԱՆՀՐԱԺԵՇՏՈՒԹՅԱՆ ՄԱՍԻՆ

Նախագծի ընդունման կապակցությամբ այլ իրավական ակտերում լրացումներ և փոփոխություններ կատարելու անհրաժեշտություն չի առաջանում:

## ՏԵՂԵԿԱՆՔ – ՀԻՄՆԱԿՈՐՈՒՄ

ՀՀ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅԱՆ «ՍԵՅՍՄԻԿ ՊԱՇՏՊԱՆՈՒԹՅԱՆ ԱԶԳԱՅԻՆ ԾԱՌԱՅՈՒԹՅՈՒՆ» ԳՈՐԾԱԿԱԼՈՒԹՅԱՆ ՀԱՐԱՎԱՅԻՆ ԵՎ ՀՅՈՒՄԻՍԱՅԻՆ ՏԱՐԱԾՔԱՅԻՆ ՄԱՐՄԻՆՆԵՐ ՍՏԵՂԾԵԼՈՒ, ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 15.05.2008 ԹՎԱԿԱՆԻ N 531-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԾԻ ՎԵՐԱԲԵՐՅԱԼ

Որոշման նախագիծը նպատակ ունի սեյսմիկ պաշտպանության ոլորտի աշխատանքների բարելավում, գործառույթների առավել արդյունավետ իրականացում:

Պետական արդյունավետ կառավարումը կարևորվում է նաև սեյսմիկ պաշտպանության ոլորտում, որը ներառված է ՀՀ ազգային անվտանգության ռազմավարության հիմնադրույթներում:

Այժմ Սեյսմիկ ռիսկի նվազեցման մեկ միասնական նպատակ հետապնդող ծառայության առանձին հիմնարկների տեսքով տարանջատումը առաջացրել է *Կադրային, Կազմակերպչական, Գործնական, Իրավական* դժվարություններ, մասնավորապես կանոնադրություններում հստակեցված չեն Համալիր ծրագրի կատարման ՊՈԱԿ-ներ-Գործակալություն փոխհարաբերությունները: Այդ հանգամանքը առաջացնում է մի շարք խոչընդոտներ ՍՊԱԾ-ի անմիջական գործառույթների, խնդիրների լուծման ժամանակ, ընդհուպ մինչև Հայաստանի տարածքում տեղի ունեցած երկրաշարժի էպիկենտրոնային գոտում խիստ անհրաժեշտ մակրոսեյսմիկ ուսումնասիրությունները, դրանց ամբողջական փուլի կազմակերպումը (օպերատիվ գործուղումներ):

Նախագծի ներկայացումը հիմնավորվում է նաև գործակալության կանոնադրությամբ նախատեսված խնդիրների և նպատակների իրականացման համար անհրաժեշտ գործառույթների կատարման դժվարությունների տեսանկյունից:

Գործակալության առաջարկվող կառուցվածքում ներառված են «Հայաստանի Հանրապետության տարածքում սեյսմիկ ռիսկի նվազեցման համալիր ծրագրի մասին» Հայաստանի Հանրապետության կառավարության 1999 թվականի հունիսի 10-ի N 429 որոշմամբ և «Երևանի տարածքում սեյսմիկ ռիսկի նվազեցման համալիր ծրագրի մասին» ՀՀ կառավարության 07.06.1999թ. N 392 որոշմամբ հաստատված ծրագրերով նախատեսված երեք հիմնական խնդիրների՝ սեյսմիկ վտանգի գնահատման, սեյսմիկ ռիսկի գնահատման և

սեյսմիկ ռիսկի նվազեցման գործառույթների կատարման կառուցվածքային և տարածքային ստորաբաժանումներ:

Առաջարկվող նախագիծը ենթադրում է սեյսմիկ պաշտպանության ոլորտի կառուցվածքային բարեփոխում և կառավարման գործառույթների կենտրոնացում, որոնք կհանգեցնեն համակարգի առավել կառավալելությանը, կադրայի ներուժի օպտիմալ բաշխմանը:

### **ՆԱԽԱԳԾԻ ՄՇԱԿՄԱՆ ՀԵՂԻՆԱԿԱՅԻՆ ԽՈՒՄԲԸ**

Նախագիծը մշակել են «ՍՊԱԾ» գործակալության աշխատակիցներ Ա.Անտոնյանը, Հ.Պետրոսյանը, Ռ. Բաղդասարյանը, Վ. Խոնդկարյանը: